

REGIONAL NEWS BULLETIN

Wednesday, September 10, 2025

HEADLINES

- 1. MNF Party chuan Assembly Speaker chu Speaker dinhmun hmangsualah an ngai tih an sawi.
- 2. Congress party chuan vawiin hian Dampa Bial MLA by-election lo awm tura an party candidate tur an puang ang.
- 3. NDA Candidate leh Maharashtra Governor nilai C P Radhakrishnan chu Vice President thar atan thlan a ni.
- 4. Prime Minister Narendra Modia chuan Punjab-a tuilian tuarte tan sawrkarin cheng vaibelchhe 1600 tanpuina a pe dawn a ti..

<><><>

MNF

MNF Party chuan Assembly Speaker Pu Lalbiakzama'n Press Conference kovin, Chief Minister-in thudiklo a sawi, sawi mam sak a tum an ti a, Pu Lalbiakzama chet dan chu Speaker dinhmun hmansualna nasa tak a ni tih sawiin mipuite hnenah ngaihdam dil turin MNF Party chuan a phut an ti a ni.

FCAA 2023 Mizorama hmanng ve tura ZPM sorkarin Resolution a putluh Assembly-in a pass tak thu kal zelah thuchhuah siamin, MNF Party chuan Assembly Speaker Pu Lalbiakzama hian Speaker Office-ah ngei Press Conference kovin, Speaker dinhmun lo chelh tawh thinten political party office-ah pawh an sawi ngai loh, Ruling party tanna sawhngheh tumin, house chhunga rorelna kalpui dan chu langsar taka tan lam neiin a sawi chhuak a ni an ti a. Assembly House chhung leh pawnah pawh thu lai latu tur, tan lam ti lang lo tur leh House member zawng zawngte zahawma venghimtu tur berin Press mite hmaah meuh politics-a tan lam nei rana thu a sawi duh ta mai a ni an ti.

Zawhna an neiin chu Chief Minister in Press Conference nei tur in Speaker chu 'a lalna hmanchuanin a nawrlui em ni tih a ni an ti a, Speaker hian ama thu ngeia Press Conference-a a thusawite hi a sawi a nih chuan nihna hman sualna leh Speaker zahawma venhim zawh lohna nasa tak anih avangin speaker atanga inhnukdawk ngam ngei turah MNF Party chuan a ngai a ni, an ti.

Assembly Speaker dinhmun hi India danpui, Constitution hnuaiha pawh sorkar laiin duh duha a thunun theih lohna turin venhimna fel tak pek a ni a. Assembly Secretariat hrang hlak siam sakin, an sum hman tur (Budget) pawh House in a vote pui ngai lova pek tura ruahmansa a ni a, mahnia thuneiha hrang nei anga din a ni a. Speaker dinhmun luahtute hi Assembly house chhung leh pawh lamah pawh lai taka awm tura beisei leh ngaih, a nih laia tuna Speaker dinhmun luahtute ZPM Speaker ang maia Press Conference kova sorkar lo awm tawhte beihna lam hawi leh, ruling party tanna sawhngheh tumna lam hawi a sawi ve chian ta mai hi hmun danga thlang ve ngai lo leh, Mizoramah pawh la thlang ngai lo a ni a. Politics-a hamthatna lak tuma hmanraw hman remchang lote thlanga hmanng duh zel ZPM sorkar Mizoram kan hrawn hi a vanduaithlak takzet a ni an ti.

(PR)

<><><>

CSS

Sorkar Department hrang hranga CSS hnuaiha thawkte intêlkhawm, All Mizoram CSS Employees Coordination Committee (AMCECC) chuan, sorkara an phut hrang hrangte tipuitling tura Mizoram sorkar an nawr nan vawiin a ni 2-na ah Mass Casual Leave an la zui a.

All Mizoram CSS Coordination Committee General Body Meeting chuan tun thla ni 3 khan thuchhuah siamin, Mizoram sorkara an dinhmun siamthatna tur resolution an siam a, resolution-ah chuan CSS employee-te'n Regularisation Scheme an hman ve ngei theih nan siam rem ngai siam remsak tura sorkarin ngaihtuahna a sêng miah lo leh, DPAR Minister thurawn anga AMCECC-in representation an theih tawh lehkhia an tihbosak leh, a thlenna tur official hnen a thlang lo chu mak an tih thu an sawi a, hei hi rang taka ngaihtuhsak a, tihlawhtlinsak turin sorkar an phut a. Mizoram sorkar hnuaiha thawkt CSS employee-te'n Regularisation of CSS Employees Scheme, 2024 hnuaiha department hrang hrang proposal an hnawl zel laia CSS pawh ni lo, Health department hnuaiha thawkt health worker mi 31, MR skilled-II, PE-a convert-te he dan hmanga an dah ngheh te chu sorkarin cancel turin an phut bawkt a, CSS hnuaiha thawkte 'dan lo anga lak' tia Chief Minister-in 2025 Independence Day lawmnaa a sawi chu na an tih thu sawiin, CSS hnuaiha thawkte chu dan ang thlapa lak an ni a, dan lo anga lak an awm chuan, dan lo anga latute chu zawng chhuaka action na taka la turin an phut bawkt a ni.

<><><>

INC TO ANNOUNCE CANDIDATE

Indian National Congress party chuan vawiin hian Dampa Bial MLA by-election lo awm tura an party candidate tur an puang dawn.

Mizoram Pradesh Congress Committee, MPCC President Pu Lal Thanzara chuan chhun dar 12:00 khian Congress Bhavanah a puang ang.

MPCC President Lal Thanzara chuan MPCC Vice President thar atan MPCC PAC member ni lai Pu John Rotluangliana, Ex Minister a ruat a, a term chu office bearer ni lai mekte term ang a ni dawn a ni.

Kumin July ni 21-a Dampa bialtu MLA Pu Lalrintluanga Sailo a thih avangin Dampa Bialah hian by-election nei turin inbuatsaihna kalpui chhoh tan mek a ni a, Election Commission of India in Dampa bial by-election nei hun tur hi a puang thuai tura rin a ni.

ZPM Party chuan August ni 25 khan an party candidate tur atan Pu Vanlalsailova an ruat thu an sawi tawh a, MNF chuan September ni 3 khan Party chung inkhawmah Dampa Bial by-election a an candidate tur atan Sr Vice President Dr R. Lalthangliana a nih thu an lo puang tawh baw a, Mizoram BJP pawhin candidate an neih ngei tur thu an sawi baw a ni.

<><><>

## GST REFORMS

State Tax Commissioner Pu HK Lalthawngliana'n hun rei lote chung chu GST lakkhawm lamah Mizoram leh ram pum huapin tuar dawn mah se sorkar laipui chuan hei hi a huam a, rate hrutual a nih avanga an hloh tur te zangnadawmna chu state tin te a la pe leh mai turah a ngai tih a sawi.

Pu HK Lalthawngliana chuan sorkar laipuiin GST a siamthat chhan chu tax pe tha an pun zawk an rin vang a ni thei a ti a, hun rei lote chung chu GST lakkhawm lamah Mizoram leh ram pum huapin tuar dawn mah se sorkar laipui chuan hei hi a huam a, rate rationalise a nih avanga an hloh tur te zangnadawmna chu state tin te a la pe leh mai turah a ngai tih a sawi.

Akashvani News zawhna chhangin, State Tax Commissioner Pu HK Lalthawngliana chuan GST siamthatna chu Prime Minister Narendra Modi-a'n Diwali puala ram mipuite hnena thilpek a hlan zulzuiin GST council hnuaia Group of Minister ten mipui nawlpuiin an hlawkpui theih tura an siam a ni a ti a, ngun taka an zirchian hnuaia thil man atanga chhiah an lak thin zaa 28 atangin zaa 18, zaa 18 atanga zaa 12, leh zaa 12 atanga zaa 5 ah te tihhnam a ni a ti a. Chhiah tihhnam a nih avang hian bungraw man a tlawm loh theih loh avangin vantlang mipuite tan thil man a tlawm dawn a, tunhmaa thil an lei ngam loh te an lei ngam phah tawh dawn a, sumdawngte pawh in hralh tha zawk tura ngaih an ni a ti baw.

<><><>

## MIZORAM AAP

Mizoram Aam Aadmi Party in Mizoram Legislative Assembly in an pass tak Forest Conservation Amendment Act, 2023 chungchanganh Special assembly session kova FCAA, 2023 sawi ho tha leh tur leh mipui ngaihnan sawipui a, mipui tam zawk duh dana kal turin Chief Minister hnenah an thlen.

Mizoram AAP chuan Chief Minister hnena lehkhah an theh luhah chuan FCAA, 23 pass a ni ta chu na taka an dem thu leh Mizoram mipui dikna leh himna chanvo derthawng ta chu an ngaih pawimawh ber a nih thu an sawi a. He dan in a huam loh; rel kawng leh kawngpui lian, India hmasawmna atana ramri (international border) atanga km 100 hman phal a ni chuan Mizoram pum ramngaw leh Mizo mipui leh a chungna nungchate himna nen a ti derthawng chu hlauhawm an ti hle an ti a, hei bakah hian he dan hian a ramchhung himna Chiang takin a sawifiah lo chuan an ngaih a ti tha lo an ti a. He dan hnuaiah hian ram leilung fa mipui te himna leh dikna a derthawng a, hmasawmna ruhrel / venhimna atana ramngaw thiah a ngai hle tur chuan kum 2021 a COP26, Glasgow, Scotland a Prime Minister Narendra Modi-a'n India ram chu 2070 ah chuan Net Zero Emission, boruak chhia siamchhuah tawh loh a tum tih a sawi chu Chiang takin a kalh niin an sawi a, Mizoram mipui aia Central lam thuneihna sang zawk tur a thlen an rem tih loh thu sawiin, Mizoram state assembly in FCAA, 23 in a pass tak avanga Mizoram humhimna bik danpui (constitution) - 371 G hlutna leh tangkaina a bo ta chu an duh lo in an rilru a nat thu an sawi baw a ni.

AAP chuan ZPM kaihhruai Mizoram Sorkar chu Special assembly session kova FCAA, 2023 sawi ho tha leh a, FCAA, 2023 hnawl emaw a dan ennawn leh tur leh mipui ngaihnan sawipui a, mipui tam zawk duh dana kal a, India danpui hnuaia Mizoram inhumhimna kulhpui 371 G chu humhalh tlat turin an ngen a ni.

## (CORR)

<><><>

## AIR NEWS ON SOCIAL MEDIA

Chanchintha hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchintha hi ngaihthlak leh chhiar theih a dah a ni.

Vawin chawhnu dar 2 leh a chanve-ah Chanchintha puan leh a ni ang.

<><><>

## VICE PRESIDENT

NDA Candidate leh Maharashtra Governor nilai C P Radhakrishnan chu Vice President thar atan thlan a ni. Nimina Parliament-a Vice President inthlannaah C P Radhakrishnan hian INDIA bloc candidate leh Supreme Court judge hlui B Sudershan Reddy chu vote 152 in a hneh a ni. Rajya Sabha Secretary General leh returning officer P C Mody chuan vote nei 781 atangin 767 in vote an thlak a ti a. Heng zingah hian vote 752 chu vote nung niin vote 15 chu vote thia chhiar a ni a ti.

Vice President thar CP Radhakrishnan hi Tamil Nadu-a Tirupur ah piangin zirlai hruaitu niin a politics zinkawng bul a tan a. RSS leh Jan Sangh-ah te nasa taka inhmangin politics chu mipui rawngbawlina hmanruaah a hmang a. Coimbatore bial atangin Lok Sabha MP ah tum hnih thlan tlin a ni tawh a. Heng bakah hian Jharkhand, Telangana, Puducherry leh Maharashtra Governor a ni tawh baw a ni.

(Newsonair)

<><><>

## PM MODI

Prime Minister Narendra Modia chuan Punjab-a tuilian tuarte tan sawrkarin cheng vaibelchhe 1600 tanpuina a pe dawn a ti. Punjab tan hian cheng vaibelchhe 12000 pek a lo ni tawh a. Prime Minister Narendra Modia chuan nimin khan Punjab-a tuilian tuarte dinmun enfiain Gurdaspur a tlawh a. Punjab Governor Gulab Chand Kataria, Punjab Agriculture and Farmers' Welfare Kuldip Singh Dhaliwad leh Animal Husbandry Minister Gurmeet Singh Khuddian ten an lo dawngsawng a. Pu Modia hain tuilian tuarte chhawmdawlina pek dan a enpui bakah chhungkaw harsatna tawkte a hmu baw a ni.

(Newsonair)

<><><>

## GST

Prime Minister Narendra Modia'n kumin Independence Day lawmnaah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah tittlemin awlsam zawkin a rawn siam danglam a.

GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST thar hi service sector lama eizawngten an chhawr hle dawn a. Heng eizawna hrang hrang gym, salon, lumehna leh yoga service ahte hian GST zaa 18 lak thin chu zaa 5 ah tihhniam a ni a. Hei bakah hian GST thar avang hian hotel thlen man te pawh a tlawm phah dawn a. Private company pakhata Director leh CEO Harshal Dilwali chuan GST thar chu hospitality sector lama eizawngte chuan an lo lawm hle tih a sawi.

(Newsonair)

<><><>